

05 一擺上懷念的家庭旅遊

熊美德

自細漢就定聽人講「三月癘媽祖」，彼个時陣並無了解話中的意思，接觸鄉土教材，予我了解著台灣文化的嬉恰趣味。彼年的戶外教學，老師恁阮去參觀媽祖出巡的活動，有解說員詳細講解媽祖的來源，予阮知影媽祖是咱台灣人上重要的信仰，因為伊聞聲救苦，無私奉獻，予人欽佩。毋過在地有人講：「媽祖蔭外地。」佇彼當時，我就定咧想是毋是有機會，會當去媽祖的故鄉，做進一步的了解恰認識。

爸爸媽媽是虔誠的媽祖信徒，彼个暑假爸爸、媽媽恰我綴宗教團體到對岸，順紕渡假。我也如願拜訪了媽祖的故鄉湄州。

媽祖一直佇我的心中，教我做人愛善良；千里眼恰順風耳，也親像是佇我的身軀邊，啟示我做人愛以「德」服眾，發揮專長。阮也利用時間遊賞附近的好山好水好景緻，爸爸媽媽再三交代：咱來到國外，閣較愛顧著台灣人的「體面恰尊嚴」，注重國民的生活禮儀，講話愛輕聲細說，疲瀾毋通烏白呷，冀埭毋通烏白擲。我也真捌代誌，共爸爸媽媽講：「恁的教示我會記得，恁看！遮的草仔真古錐，袂使共伊跣踏(thún-tah)；遮的花開甲遮爾婿，愛予個繼續吐芳

味。」爸爸媽媽聽了真安慰，呵咾我是一個乖巧的查某困，欲離開風景區的時，爸爸閣講起：「咱毋管到佗一个所在，塗跤干焦會當留跤印，心中愛留下美好的回憶，因為大自然是寶，是咱生活的倚靠，做好環保是你好、我好、逐家好的代誌。」

轉去到飯店，看著爸爸用電腦恰阿媽咧破豆，想袂到阮阿媽遮爾勢，綴會著時代、會曉拍電腦。爸爸講阿媽退休驚無聊，「食到老學到老」，所以足有耐心咧學電腦，後擺咱若轉去阿媽兜，恁就較有話題講。我也共爸爸媽媽講：「這是咱一家幸福的三代情，也是現代科技的文明，閣較是電腦的正面功能。」

「回憶上婿，甜蜜相隨」，「讀萬卷書行萬里路，百聞不如一見」，雖然定聽人講：『上車睡覺，下車尿尿，回到家什麼都不知道。』時間過了真緊，一目瞞我也長大成人，這馬，我也是一個教育、文化的傳承者，彼擺的家庭旅遊，予我閣較體會著：親情的可貴恰臺灣文化的光輝著寓教於樂，佇旅遊中就會當教育。所以對我來講，這是一擺上有意義、上蓋予人懷念的家庭旅遊。